

佛說摩利支天經

唐三藏沙門大廣智不空奉詔譯

如是我聞一時薄伽梵在室羅筏城逝多林
給孤獨園爾時世尊告諸苾芻有天女名摩
利支有大神通自在之力常行日月天前日
天月天不能見彼彼能見日無人能見無人
能知無人能捉無人能縛無人能害無人能
欺誑無人能債其財物無人能責罰不爲怨
家能得其便佛告諸苾芻若有知彼摩利支
天名常憶念者彼人亦不可見亦不可知亦
不可捉亦不可縛亦不可害亦不可欺誑亦
不爲人債其財物亦不爲人之所責罰亦不
爲怨家能得其便若有善男子善女人知彼
摩利支天名求加護者應作是言我某甲知
摩利支天母有大神力我今歸命願護我身

無人能見我無人能知我無人能捉我無人
能縛我無人能害我無人能欺誑我無人能
債我財物無人能責罰我亦不爲怨家能得
其便爾時世尊說陀羅尼曰

曩謨^引囉怛^{合二}曩^{合二}怛^{合二}囉^{合二}夜野^一怛^{合二}你也^{合二}

他^{去聲}遇^{二聲}迦^七麼^{鼻聲}泉^已沫^三迦^四麼^四泉^上阿^上

度^引麼^五紫^精切^以鉢^羅麼^六泉^六摩^訶紫^鉢

囉^麼泉^七頰^怛馱^引曩^麼泉^八麼^{鼻聲}哩^引

紫^野麼^九泉^九曩^謨引^娑觀^{合二}帝^十囉^轉乞^灑

囉^乞灑^{合二}給^{引十}薩^縛薩^怛縛^{合二}難^上

左^二薩^縛怛^囉十三^合薩^縛婆^{去聲}喻^引鉢^捺囉

二^吠引^毘藥^{合二}娑^縛引^二賀^{引十}

心真言曰

娜^莫三^{去聲}滿^多沒^馱引^南一^唵二^摩鼻^聲哩^哩

引^唧引^娑縛^{合二}賀^{引三}

爾時世尊說此陀羅尼已告諸苾芻若有受
持此經法者應作是願王難中護我賊難中
護我行路難中護我於失道曠野中護我水
火難中護我刀兵軍陣難中護我鬼神難中
護我毒藥難中護我惡獸難中護我毒蟲難
中護我一切怨家惡人難中護我佛實語護
我法實語護我僧實語護我天實語護我仙
人實語護我一切處一切時願常護我弟子
某甲 娑嚩引二合賀引

佛告諸苾芻若善男子善女人苾芻苾芻尼
鄒波索迦鄒波斯迦國王大臣一切人等有
諸難時但當至心誦此摩利支陀羅尼不待
加功隨誦隨成遠離諸難除不至心持誦之
時并結本印以香塗手先結三部心印二手
內相又爲拳並豎二大拇指是一切如來心

印真言曰

唵引爾嚩以曩爾迦半音

次結蓮部心印即前印以左大拇指屈入掌
直豎右大拇指真言曰

唵引阿嚩去聲嚩引力迦半音

次結金剛部心印即前印以右大拇指屈入
掌直豎左大拇指真言曰

唵引縛日囉訖地力訖迦半音

次結護身如來拳印以右手屈大拇指橫於
掌中便以四指握大拇指爲拳以此拳印加
持自身五處先額右肩左肩心喉每處各誦
真言一遍真言曰

唵引僕引入縛訖羅吽引

次結摩利支菩薩根本印二小指二無名指
右押左內相又直豎二頭指相捻以二中指

各繳頭指背向前頭相挂二大指並豎即成
結印當心誦前摩利支身陀羅尼及心各七
徧徧屈二大姆指招之亦名迎請印兼以
此印加持身五處頂上散印

次結大三昧耶印辟除結界以右手大指捻
小指甲上餘三指直豎如三股杵形左手作
金剛拳按於心上隨誦真言以右手印於頂
上左轉三匝辟除一切作障難者便右旋三
匝并揮上下即成結十方界一切天龍人非
人等不能附近真言曰

唵一引商迦囉輕舌摩訶引三麼去聲囉鼻琰安縛縛

賀

次結摩利支安怛袒那印此言以左手虛掌
作拳大指微捻頭指甲如環已下三指握拳
令密又令掌中作孔安自心前想自身入此

印孔中藏以右手平掌右旋摩此印便蓋孔
上想此印即是摩利支天菩薩身我自身隱
藏於摩利支天菩薩心中一心專注不間斷
誦前根本及心真言不限徧數但虔誠至心
必獲菩薩威神加護一切怨家惡人悉不能
見一切災難皆得解脫若欲供養摩利支菩
薩者應用金或銀或赤銅或白檀香木或紫
檀木等刻作摩利支菩薩像如天女形可長
半寸或一寸二寸已下於蓮花上或立或坐
頭冠瓔珞種種莊嚴極令端正左手把天扇
其扇如維摩詰前天女扇右手垂下揚掌向
外展五指作與願勢有二天女各執白拂侍
立左右作此像成戴於頂上或戴臂上或置
衣中以菩薩威神之力不逢災難於怨家處
決定得勝鬼神惡人無得便若欲成驗願見

摩利支天真身求勝願者誦此陀羅尼滿十
萬徧依法建立曼荼羅畫摩利支菩薩像安
置壇中種種供養并作護摩火壇摩利支天
女必現其身所求勝願決定成就除不至心
佛告諸苾芻我爲當來惡世苦難恐怖有情
略說摩利支天法此菩薩有大悲願常於苦
難恐怖之處護諸有情不令天龍鬼神人及
非人怨家惡獸所能爲害汝當受持廣宣流
布饒益有情諸苾芻等及天龍八部一切大
衆聞佛所說皆大歡喜信受奉行

佛說摩利支天經

音釋

攪古巧切 坯燒陶器也 痔直里切 駁悉合切
滓壯士切 齧施隻切 紱郎計切 繳吉了切